

中興禮書

中興禮書第七十一卷

吉禮七十一

明堂陪祠官

紹興元年六月六日皇叔右監門衛大將軍士衡等言
昨自福州隨侍嗣濮王赴行在為嗣濮王差充明堂大
禮亞獻行事已隨班朝見訖士衡等今欲乞下太常寺
依自來大禮條例差攝執事或乞至日赴陪祠立班詔
許陪祠

九月十四日秘書少監程俱言竊見大禮大次在殿門
外而宮門內地步狹隘出入人衆則難於幾察故事唯
六曹郎官以上陪祠今釐務官與越州官不以官品高
卑皆令陪祠非故事也竊以謂僦依故事止令六曹郎

官以上及越州知州兩浙路監司陪祀外餘並罷其應陪祠等官仍毋以從者入行宮門庶幾誰何謹微備嚴而祠事肅也詔依

十六日詔呂頤浩特令陪祠

同日詔今月十八日明堂大禮特令韓世忠張俊陪位四年四月九日御史臺言契勘昨紹興元年九月明堂大禮本臺申請為陪祠官稀少乞用選人以上趁赴目今行在員數比前次明堂大禮稍多今相度欲乞用臨安府見任寄居待闕通直郎以上官趁赴立班陪祠及受誓戒習儀奏請宿齋其陪祠官宿齋幕次欲乞下臨安府於大內南門踏逐近便空閑屋宇或宮觀寺院應副數齋詔依

五月五日御史臺言准太常寺牒將來明堂大禮神位係設昊天上帝皇地祇配以太祖太宗皇帝并天皇大帝神州地祇已下從祀本臺契勘比之前次明堂大禮位次數多用行事等官一百六員今來若依已得指揮止用通直郎以上陪祠顯是闕少今相度欲乞用行在臨安府見任寄居待闕承務郎已上立班陪祠及受誓戒習儀奏請宿齋詔依

九月四日戶部侍郎兼權知臨安府梁汝嘉言將來明堂大禮據紹興府案例指揮本府知通依開封府尹少禮例更不赴陪祠宿齋止是往來彈壓今來本府知通未敢便依紹興府已得指揮兼汝嘉係行在事職事官兼權府事合取自朝廷指揮太常寺供到狀契勘昨

紹興元年明堂大禮紹興府知府准尚書省劄子指揮
依開封府尹少禮例不曾赴陪祠宿齋今來梁汝嘉
雖係從官見兼權知臨安府事其知通合依紹興元年
禮例不合赴陪祠宿齋立班詔依

七日臣僚上言仰惟陛下參稽典禮復大饗於明堂權
以從宜簡不及陋雖在艱難之際不忘於合祭天地並
配祖宗與夫百神之祀膏肓之至也在廷之臣咸得與
祭正當以嚴肅為先有行事者有執事者有陪祠者今
神位所設既衆吏員所差益多比者御史臺申請欲於
臨安府見任寄居待闕官內差通直郎以上陪祠又乞
差承務郎以上蓋慮員數稀少不得不爾也臣伏見車
駕昨在紹興舉行是禮時則有議臣乞遵用故事止用

六曹郎官以上及越州知州兩浙路監司陪祠外餘並止罷詔可其請況紹興止係正配四位今從祀之神凡四百四十七位行事執事官共一百有二員然又有應奉內侍等亦不下十餘人今約陪祠之數已及四十餘員不為不多矣僕以臨安府見任寄居待闕官陪祠則人數繁冗詎免誼詳臣恐祀事之不肅也欲乞睿旨舉行

紹興元年九月十二日已降指揮仍止乞通差職事釐務官及臨安府知府兩浙路監司外餘悉蠲免庶幾祀事嚴肅不負陛下欽恭明神之意詔臨安府知府係往來彈壓已降指揮不合陞外陪祠外餘依所允
七年八月二十八日御史臺言檢會本臺令合用通直

即以上陪位立班即目委是闕官今相度欲乞候將來
行宮吏部起發到來見得陪位官若干員數別行申請
兼將來行事執事官已於鄭近州軍差撥顯見別無官
陪祠尋取會太常寺欲將景靈宮太廟明堂三處行事
執事官遞相趁赴陪祠別無妨礙及將行在非差充行
事執事官依令趁赴陪位立班庶免臨時闕官詔依
十年閏六月十二日知西外宗正事士搏言恭親御札
節文以今年九月明堂竊聞祖宗諸室行禮執事並係
環衛宗室合用員數不少欲乞依例赴赴行朝以備陪
位之列所有執事權令以次官主管候行禮了畢即回
本司詔依仍令於八月內起發赴行在

七月三日新知南行宗正事仲弼言明堂大禮仲弼忝

與環衛宗室伏乞依例趨赴外朝陪位詔免赴

三十一年八月十二日御史臺言勘會今來明堂大禮
朝獻景靈宮朝饗太廟依已降指揮係遣大臣行禮百
官即不合陪位立班外所有明堂殿行禮等本臺參酌
條具乞依昨紹興二十八年郊祀大禮體例集應釐務
通直郎以上及行在見任寺監主簿承務郎以上職事
官前期於行禮殿習儀并至日各服朝服陪位立班俟
禮畢服常服赴殿庭聽宣赦訖退詔依

淳熙六年七月六日皇弟少傅靜江軍節度使充醴泉
觀使恩平郡王璩劄子奏臣茲者恭覲詔音謹行明堂
大禮實為朝廷甚盛之典况惟會慶聖節甫屆昌期臣
子之情曷勝忤踏欲望聖慈特頒睿旨許臣循例恭詣

闕庭陪三獻之儀進萬年之酒臣無任殞越俟命之至
詔依

二十二日承議郎權發遣建昌軍襲封衍聖公孔摺言
明堂大禮合依已降指揮赴闕陪位伏緣摺見今試守
偏城拘縻賤職所有今次明堂大禮乞免赴闕陪位一
次詔依

九年以足疾亦免赴

九年七月十三日詔今歲明堂大禮少師史浩少保陳
俊卿並特今赴闕陪祠令學士院降詔

各具辭免赴闕陪祠降詔宜先

請所

中興禮書第七十二卷

吉禮七十二

明堂事務所

紹興元年九月一日樞密院檢詳歐陽懋言准勅差明堂大禮提點一行事務今有申請事件一乞以明堂大禮提點一行事件所為名一乞下禮部權暫閱借奉使印一面其複禱印匣令越州製造一本所依元降勅命指揮應合辦事件並係創行製造預要畢備竊慮修製遲緩及不依典禮或不如法委官逐一點檢如有減裂不度送所屬依法施行今若有官司違犯前項事理乞從本所將合千人送大理寺依法施行如涉違慢類事理稍輕者乞從本所斷決一行移文字並依左

右司許押貼子諸處取會今來差明堂大禮提點一行
事務其六曹用關牒外餘官司取會之類並乞依檢詳
已得指揮緣日限逼促竊慮合排辦官司遲緩預先不
見畢備今來本所行移文字取會其承受官司乞不以
假故限當日供報 一乞差幹辦官一員准備差使二
員乞從本所於見任或待闕文武官內權行踏逐選差
一乞差手分書寫人各三人於見領職局并行在官
司不以有無名目人內踏逐抽差候事畢結局日發遣
承發文字通引官亦於見領職局等處抽差二人杖直
獄子各一名乞於越州差撥 一本所人吏係到壇殿
點檢祇應乞破入壇殿勅號五道其餘人從等係入皇
城宮門乞報皇城司關借候事畢送納詔依司四年差在

大有至九月十三日為憲中風差新辦官何許權七年
差在司印官李顯進十年差司農少卿李若虛三十一
年差大理少卿路輝照六年差提兩浙路轉運判官吳珪
判官輝考實九年差提兩浙路轉運判官吳珪

紹興四年六月八日左司郎中李大有言准勅差明堂
大禮提點一行事務所有本所應干合行事件欲乞依
紹興元年明堂大理禮提點事務歐陽懋申請已得指
揮數內有合申請事件 一乞就用左司印 一行移
文字約束日限並乞依左右司見行條法 一合差幹
辦官等欲令自被差日先次赴所供職訖報吏部出給
公據 一所差通引官二人乞只差大程官二名專一
承發文字免他處差使詔依

六月二十七日左司郎中明堂大禮提點一行事務李
大有言續有合申稟諸事件 一自來大禮應奉去處

臨時有合添倍或均那排設等事件許提點官隨宜相
度如事體大即申取朝廷指揮今來大禮欲依此施行
一自來大禮提點官免受誓戒及陪祠行事於前一
月具名銜申中書省照會今來大禮欲依此施行一
自來大禮候禮畢有諸官司合拘收及送還官物立限
一季催促結絕今來大禮欲乞立限一月日詔依

紹興三十一年八月十五日明堂大禮提點一行事務
所言今具合申請事件 一所有明堂殿其兩浙轉運
司臨安府儀鸞司有修飾及結縛大小次第去緣處大
禮在近本所合將帶一行人先次點檢結縛今欲乞定
日闕報元結縛修飾官司及差太常寺贊者指引恭詣
點檢所有本所主管文字書寫人及巡視親事官等將

來合破初號乞令皇城司先次給付遇點檢日關報皇城司行下經由門戶照會放令入出其初號候禮畢日送還 一逐次大禮自奏請宿殿并太廟青城提點事務官將帶合千人三頓並在內宿依行宮使司關報條法指揮巡歷提振并合照排辦事務今自八月二十八日至九月一日並後殿宿齋本所今承皇城司報到從本所給散火牌及具到皇城火禁條法外所有前項宿殿日分今欲乞依逐次大禮逐頓體例將帶一行官吏等晚內宿往來巡例提振 一太常寺等處排辦景靈宮太廟禮料祭器等本所合行點檢除逐處點饌即無相妨外其太廟行禮時係未開太廟門即難以時點檢所有八月二十九日景靈宮時前合行點檢本所既

在內宿趨赴不及欲乞從本所一面差委屬官恭詣點檢詔依

淳熙六年五月九日權兩浙路轉運判官韓彥質言准勅差明堂大禮提點一行事務除已恭依施行外所有合行事件欲乞並依前後郊祀及明堂大禮并已經裁減則例所降指揮施行詔依

九年
此年

中興禮書第七十三卷

吉禮七十三

明堂誓戒宿齋

紹興元年四月三日禮部太常寺言勘會將來大禮依御史臺儀制令合前十日赴朝堂受誓戒今無朝堂欲乞依昨建炎二年大禮例集官於尚書省受誓戒詔依七月二十九日太常寺言勘會明堂大禮欲乞行事執事陪祠官致齋三日有本司者並於本司致齋無司者於國通院致齋乞令越州同儀鸞司排辦詔依

同日太常寺言依儀前三日未後皇帝詣大慶殿致齋至日行事時前禮部侍郎於齋明殿大次前奏中嚴外辦畢皇帝詣明堂殿行禮今來明堂大禮欲將宰執奉

事內殿釘設皇帝齋室及就充大次禮部侍郎奏中嚴外辦禮部郎中奏解嚴又設小次於常御殿東階之東稍南西向兼契勘依儀前三日未後皇帝詣齋室係自內東門乘輦至大慶殿緣今來自內至齋殿地步不遠欲乞奏請致齋日皇帝自內步至齋殿即座侍中已下奏請訖退及乞至日行禮皇帝自大次經由常御殿下門外東廊東便門至常御殿由正門執大圭入門行禮詔依

九月八日閣門言檢會儀制大禮奏請宿齋日樞密已下并祇應官並赴垂拱殿起居訖導駕今太常寺擬定儀注以內殿作奏請宿齋殿已奉聖旨樞密已下并祇應官並免起居續准太常寺闕准馮益傳聖旨將來明

堂大禮奏請致齋為內殿宰監可於常御殿奏請致齋
今未樞密已下并祇應官依儀制赴內殿起居導駕詔
樞密已下令赴內殿起居

九月十二日太常寺言准幹辦御藥院陳永錫等傳聖
旨令太常寺閤門重別擬定奏詣宿齋并行禮儀制今
檢會已擬定儀注節文致齋前一日有司設御榻於常
御殿當中南向及設御帳於御榻後并殿前楹施簾禮
畢還大次奏解嚴畢行事官等退俟質明禮部侍郎奏
中嚴外辦皇帝服通天冠絳紗袍乘輦入常御殿門至
殿上降輦禮部侍郎奏解嚴訖皇帝還內奉御竇批依
擬定令已申中書門下省奏審外內有合排辦事件下
項 一合設置御榻于常御殿當中南向所有榻衣乞

令修內司用紅色裝飾事畢却行拆去契勘楊州郊祀
大禮所造榻衣依例用排絹鞞造衣褥安設乞下儀鸞
司製造 一合設御帳于御榻後并殿前楹施簾欲乞
令儀鸞司釘設排辦事畢却行拆去詔依

九月十五日御史臺言已降指揮於宰執奏事內殿作
皇帝齋室本臺契勘大學士至兩省官各分詣三墀東
西相向立班今來宰執奏事內殿即無三墀更不分班
並向北立奏請致齋今奉聖旨於常御殿奏請致齋本
臺契勘常御殿亦無三墀乞更不分班餘依閣門太常
寺已定儀注詔依

紹興四年五月二十七日入內內侍省押班提舉修內
司陳永錫言太常寺條具到明堂大禮鋪設御榻欲乞

下修內司計置排辦尋行勘會到紹興元年紹興府明
堂大禮造過御榻一座二層各高二尺七寸下面一層
自方二丈四尺四壁馬銼四座上面一層自方一丈二
尺前後馬銼二座係用纒裏釘線釘綴及用夾緋絹條
段通行鞵裏亦用釘線釘綴今欲依此制度丈尺令修
內司計料臨安府造作詔依

六月九日禮部太常寺言檢會大禮釐正令諸大饗行
事執事陪祠官受誓戒日或散齋致齋內式假未滿及
遇私忌並赴今來明堂大禮欲依上件令文詔依

六月二十四日禮部太常寺言勘會紹興元年明堂大
禮係常御殿奏請致齋其宰執奏事內殿作齋室所有
今來明堂大禮欲乞于常御殿奏請致齋於殿上御屏

風後東西兩壁設東西房殿後設西閣及齋室乞令儀

鸞司相度隨地之宜排辦釘設詔依九月六日詔奏請

設東西房止于新風後殿後門外設西閣八日禮部太

常寺卿知御帶供奉官已下和殿司官已下並合內

殿常服起居各歸殿上下侍立今東儀鸞司中列西

閣及齋室並禁中地步窄隘其起居處立班不

銘奏請致齋日合內殿起居止檢為地步窄狹免起居

道駕立班歸

八月十五日閣門言檢會寶元間及見行儀制宿齋日

閣門奏請皇帝未後赴齋室近准禮部關王普劄子奏

請致齋已改用質明禮部太常寺勘當到致齋日有司

自合例依奏請以聽聖旨不當著未後奏請之文今來

閣門未敢不遵依祖宗法及見行儀制致齋日奏請皇

帝未後赴齋室所有將來明堂大禮奏請赴齋室時刻

今收進止詔依祖宗法未時後赴齋室

九月九日太常少卿陳栢等言勘會明堂大禮已降指揮應行事官等致齋三日各宿于本司錄今來編祀百神共四百四十七位祭器萬數並合於行禮時前晝夜排辦實設禮料本寺官合往來提振照管凡之其他行事官事體不同除遵依已降指揮於本寺致齋二日外欲乞於十四日晚於行宮南門內西廊卿監待班幕次內宿齋就于行禮殿內往來提振照管所貴排辦實設不致闕誤詔依仍劉皇城司照會

紹興七年五月二日禮部太常寺勘會今來明堂大禮前二日朝獻景靈宮依已降指揮于常御殿設位行禮俟行禮畢合詣太廟宿齋緣太廟別無齋殿欲乞依例

止於行宮齋殿宿齋致至日自行宮詣太廟行禮畢還
行宮宿齋詔依

五月四日御史臺言自來大禮依本臺儀陪祠官並服
綬結佩前三日前奏請皇帝致齋奏請畢宿于朝堂今
欲乞依紹興四年明堂大禮只用常服奏請陪祠立班
詔依

五月七日禮部太常寺言自來大禮依儀前十日右僕
射誓行事執事陪祠宗室于太廟齋坊刑部侍郎泣誓
今來明堂大禮前一日朝饗太廟受誓戒欲依上件禮
例詔依

六月二十七日禮部太常寺言今來明堂大禮應行事
官等致齋三日有本司者各宿于本司其太常寺官吏

並合行禮時前排辦實設禮料及殿內外往來提振照
管比之其他行事官事體不同昨紹興四年蒙降指揮
太常官吏許令行禮前一日於行宮內西廊卿監待班
幕次內宿齋就于行禮殿內外往來提振照管所有今
來明堂大禮并朝獻景靈宮朝饗太廟欲乞令太常寺
官吏等依上件禮例前二日于行宮幕次宿齋前一日
于太廟幕次宿齋其合用幕次什物等乞下所屬排辦

詔依

後並
依此

紹興十年閏六月二十四日御史臺言今來明堂大禮
奏請致齋除宰執使相待從臺諫武臣正任以上並服
朝服餘官欲乞依紹興七年例只用常服奏請陪祠立
班詔依

紹興三十一年八月二日禮部太常寺言將來明堂大禮緣為孝慈淵聖皇帝升遐服制之內今具合行申請下項 一今來皇帝見服淡黃袍黑鞋犀帶所有明堂大禮受誓戒以後並係散齋行事日分依國朝故事合權改吉服今欲乞自受誓戒以後皇帝權易吉服至禮畢仍舊 一所有禁衛等見今服紫衫黃帶子并執打從物等并用包裹今欲乞依禮例自八月二十一日受誓戒以後至大禮日并權易吉服吉帶除去包裹候宣赦畢依舊詔依

八月十二日禮部太常寺言將來明堂大禮朝獻景靈宮朝饗太廟已降指揮係遣大臣攝事其應行事執事官宿齋去處依儀有本司者各宿於本司內無職任官

前三日宿齋去處欲依紹興二十八年體例並于貢院宿齋外所有應差充太廟行事執事官于太廟行事前一日並合赴太廟齋坊宿齋其明堂大禮前一日應行事執事應奉官內無職任者并行事執事宗室欲乞令臨安府于麗正門外踏逐側近寺院及官舍宿齋所有親王使相前三日宿齋去處今本府各自行踏逐所有逐處合用幕次等令臨安府同儀鸞司排辦詔依

同日御史臺言勘會紹興二十八年郊祀大禮集官于文德殿奏請皇帝致齋今來明堂大禮已降指揮後殿權作文德殿所有陪位官乞入出麗正門依本臺儀前三日午前趨赴殿廷並朝服綰結佩奏請皇帝致齋詔

依

淳熙六年
九月

八月十七日太常少卿王普等言契勘將來明堂大禮五使并合前三日致齋內八月二十八日二十九日並於都堂宿齋緣五使係總轄大禮一行大事務其九月一日欲乞于皇城司致齋詔依

淳熙六年四月七日禮部太常寺言勘會朝獻景靈宮奏中嚴外辦禮部侍郎二員合於文德殿奏請并引贊禮直官御史臺知班禮兵部職掌於內藏庫相對廊上止宿至日趨赴奏詔依

四月十四日禮部太常寺言將來明堂大禮依儀皇帝散齋七日於別殿致齋三日一日於文德殿一日於太廟一日再赴文德殿欲乞依儀施行詔依

五月二十八日禮部太常寺言今具下項一逐次郊

祀大禮皇太子宿齋去處依典故前一日于本宮廳宿齋今來明堂大禮皇太子前三日并前一日宿齋欲乞依上件禮例並於本宮廳宿齋其前二日太廟宿齋合用幕次屬御史臺 一將來宰執宿齋去處禮例前三日係于都堂前二日係于太廟其前一日宿齋今乞于皇城司資善堂 一所有親王使相宿齋去處乞於本府各自踏逐去處宿齋 一將來明堂大禮并前二日朝獻景靈宮前一日朝饗太廟其應行事執事官宿齋去處依儀有本司者各宿于本司內無職任官前三日前二日宿齋去處合依逐次大禮體例并於貢院宿齋外所有明堂行禮前一日應行事執事應奉官內無職任者并行事執事宗室欲令臨安府于麗正門外踏逐

制

祀近寺院及官舍宿齋詔依

六月二十日御史言明堂大禮皇太子前二日太廟

宿齋係齋殿前西聖華次詔依

寶錄堂

六月二十七日御史臺言奏請皇帝致齋已降指揮後殿作文德殿奏請所有陪位官乞入出麗正門俟奏請立班各赴合致齋去處宿齋有本司者宿於本司無本司者欲乞于麗正和寧門外待漏舍屋及係官空閑廨舍宮觀寺院并和賃居民舍屋宿齋并乞令臨安府同儀鸞司釘設排辦所有今來明堂大禮陪祠官合用待漏待班宿齋幕次欲乞依上件體例詔依

八月十四日御史臺言勘會今來明堂行禮應行事執事陪祠等官前一日若在本司宿齋竊慮內有本司稍遠去處趨赴遲晚有誤立班欲乞并于麗正門外待漏

院并臨安府和賃居民舍屋及側近寺院充上件官宿
齋幕次詔依

中興禮書第七十四卷

吉禮七十四

明堂警場鼓吹

紹興元年四月三日禮部太常寺言昨來郊祀大禮合用警場係就用中軍鼓角匠充太常寺差武嚴指揮三兩人指教更不用鼓吹所有將來大禮欲乞依上件禮

例詔依

十四年七年
十年做此

八月二十七日禮部太常寺言將來明堂大禮合排設奏嚴更警場應奉依揚州禮例就用中軍人物除已教習外昨來揚州遇郊禮排辦警場其金鼓角匠並用中軍衣物抹額幘頭背子等尋下牒會到中軍今來並無上件裝著今相度將來宰執按閱日并前期宿殿祇應

日並止用本軍軍號祇應詔依

紹興四年六月九日禮部言據太常寺申昨來明堂大禮五使就尚書省按雅樂并嚴更警場及習儀日分並令太常寺定日申尚書省照會及聞報所屬所有今來明堂大禮欲乞依上件禮例照詔依

紹興十年七月三十日禮部言准都省批下本部狀具據太常少卿陳桶等劄子契勘昨降指揮警場就用殿司金鼓角匠一百四十人數內教頭六人押擁隊二人金手一十二人鼓角匠各六十人乞依鈎容直例日支破食錢契勘二舞係殿前司借差鈎容直今來警場金鼓角匠亦係殿前司差撥並係應奉明堂大禮除鈎容直所借人各有日支添破食錢外竊緣金鼓人兵別無

添破錢欲比附二舞所破則例更與裁減量行添破其
教頭日添一百文押攤等日各添破五十文自起教日
支破禮畢日住支送禮勘當申尚書省本部今勘當欲
依陳桶等所乞事理詔依

紹興三十一年二月二十七日禮部太常寺言將來明
堂大禮檢準元豐三年六月二十一日太常禮院言伏
惟御札今年九月二十二日有事于明堂皇帝為慈聖
光獻皇后服以日易月雖已禪除緣尚在三年之內檢
詳熙寧元年四月詔依景德二年南郊故事除郊廟景
靈宮合用樂外所有鹵簿鼓吹及樓前宮架諸軍音樂
皆備而不作其逐處警場止鳴金鉦鼓角而已詔依熙
寧元年南郊例施行所有將來明堂大禮并前二日朝

獻景靈宮前一日朝饗太廟樂及鹵簿鼓吹樓前宮架
諸軍音樂警場等欲依上件典故及依元豐典故禮畢
御紫宸殿受賀詔免稱賀餘依典故施行

八月四日禮部太常寺言勘會已降指揮將來明堂大
禮朝獻景靈宮朝饗太廟遣大臣攝事主上惟親行大
享之禮其玉帛牲牢禮料器服樂舞凡奉神之物依典禮
外鑒駕既不出宮所有車輅儀仗供張宿頓之屬更不
排辦合行事理候前期一月令禮部太常寺參酌申請
數內元申請排辦鼓吹係儀仗之屬及嚴更警場係宿
頓之屬依今降指揮即不須排詔依

淳熙六年四月二十八日鼓吹局言准已降指揮今來
明堂大禮應合行事務令有司依淳熙三年郊祀大禮

例各行檢舉排辦及依近降指揮用法駕南簿契勘今
 來儀仗內三引及駕前後部鼓吹令丞已下共用五百
 八十八人并奏嚴更警場依逐次大禮例用一百八十
 三人並係三分減一之數盡在仗內導引夜赴警場奏
 嚴作樂應奉所有金鼓鳴角押隊教頭等乞下殿步軍

司差撥施行
 鼓吹三引除第一引無鼓吹一人外第二引
 名大鼓一十名大橫吹二名前色三人金鉦七人
 名笛色一十名大橫吹二名前色三人金鉦七人
 令二一人所文四人橫吹二名一人名前色三人
 兵官一十六人橫吹二名一人名前色三人金鉦七人
 人歌色三十四人橫吹二名一人名前色三人金鉦七人
 色三十三人而鼓一拱震管二二十四人而色二
 人桃鹿軍一十吹三人小鼓二後部四人中鳴一
 羽鼓四軍一十吹三人小鼓二後部四人中鳴一
 吹承鼓四軍一十吹三人小鼓二後部四人中鳴一
 色一十八人典史四人橫吹二名一人名前色三人
 色一十八人典史四人橫吹二名一人名前色三人
 八人笛色三十三人桃鹿軍一十吹三人小鼓二後部四人中鳴一

九年倣此

明堂大禮文德殿太廟宿齋逐頓警場鼓

寶興齋

吹喝探唱和節次
 喝初和史起奏鼓
 喝第一會鼓右
 鼓左鼓右
 院長司
 司排
 列
 官

勤入
勤百
生群
勤勤
各急
二嚴
應局
次守
左訖
右鳴
仗鼓
司吹
排左
列右
官仗
各司
和人
來兵
應吏
內和
色勤

動氣
 王唱
 色喉
 各候
 一姓
 延赴
 第兩
 一鼓
 會聲
 種絕
 鼓次
 元五
 爲石
 當仗
 云司
 日人
 使兵
 集衆
 和虎
 覆動
 二動

龍
布
訖
鳴
鼓
吹
左
右
仗
司
器
人
兵
衆
和
動
動
動
動
動

鼓聲絕次左右仗司人兵衆和動動動軍能各二通次

排列官兵各唱笙笙動衆唱笙二通次左右
排列官兵各唱笙笙動衆唱笙二通次左右

各
百
星
星
星
炮
象
喝
喘
候
鐘
鼓
院
蓮
笙
龍
次
左
右
杖
司
司
人

甲兵
夜
己
勾
陳
梅
蘭
針
次
左
右
仗
司
排
列
官
各
唱
一
更

次一等籌場衆第唱一唱奏次金左鉦右四仗面西舉人鳴兵角衆六和一隻一吹更大一梅籌花各頭二第通

十
白金
奏鉦
受一
三十一
會六
鼓面
文舉
樂鳴
曲角
助八
與十
鍾隻
宮吹
合小
宮梅
鼓花
單奏
奏嚴
之鼓
面八

第二奏全紅四面舉鳴角六隻吹大梅花第二金鉦

一十六面
三會鼓吹樂曲動六州箭色起頭第三奏金鉦四

而舉鳴角六隻吹大梅花第三金鉦一十六面舉鳴角

六	十	十	二	雙	次	小	梅	花	奏	嚴	一	鼓	八	十	四	奏	一	鼓	三	會	鼓	吹	樂	一	曲
司	人	三	點	次	左	右	史	仗	司	各	列	二	官	各	次	左	右	史	仗	司	各	次	左	右	史
呼	行	因	行	氣	和	人	探	更	和	左	項	金	再	吾	上	將	軍	姓	某	探	頭	再	史	行	唱
也	不	是	象	和	是	探	更	和	左	項	金	再	吾	上	將	軍	姓	某	探	頭	再	史	行	唱	
鋪	位	和	象	合	象	和	合	探	再	頭	再	吾	上	將	軍	姓	某	探	頭	再	史	行	唱	作	
字	并	上	將	軍	姓	名	次	名	六	軍	儀	同	左	司	止	探	頭	再	史	行	唱	作	呼	右	
可	是	何	人	再	和	儀	仗	仗	某	探	頭	再	吾	上	將	軍	姓	某	探	頭	再	史	行	唱	
巡	依	鋪	位	不	是	探	和	是	探	頭	再	吾	上	將	軍	姓	某	探	頭	再	史	行	唱	作	
左	右	仗	司	六	軍	儀	仗	仗	某	探	頭	再	吾	上	將	軍	姓	某	探	頭	再	史	行	唱	
一	點	每	三	奏	奏	至	唱	唱	亦	和	同	一	更	三	點	內	警	場	更	三	點	內	警	場	
鼓	吹	每	三	奏	奏	至	唱	唱	亦	和	同	一	更	三	點	內	警	場	更	三	點	內	警	場	
二	點	下	警	場	奏	至	唱	唱	亦	和	同	一	更	三	點	內	警	場	更	三	點	內	警	場	
易	太	平	三	奏	奏	至	唱	唱	亦	和	同	一	更	三	點	內	警	場	更	三	點	內	警	場	
五	點	左	右	仗	司	並	夜	不	巡	和	奏	開	止	衆	和	五	點	夜	士	丹	禁	夜	士	丹	
五	點	左	右	仗	司	並	夜	不	巡	和	奏	開	止	衆	和	五	點	夜	士	丹	禁	夜	士	丹	
各	二	鼓	院	點	次	左	朝	光	孫	萬	戶	開	各	臣	謁	跪	跪	跪	跪	跪	跪	跪	跪	跪	
候	二	鼓	院	點	次	左	朝	光	孫	萬	戶	開	各	臣	謁	跪	跪	跪	跪	跪	跪	跪	跪	跪	

卷之四

四

寶彝堂

次左右仗司人兵處和笙笙院至動各二通次左右仗司
排列官各唱正笙絕各二通次左右仗司
兵處和笙笙絕各二通次左右仗司
唱喏次左右仗司人兵處和笙笙院至動各二通次左右仗司
鼓第一會鍾鼓院編唱調云平旦
演明辨色奏轉新九年做此

中興禮書第七十五卷

吉禮七十五

明堂門禁

紹興元年七月二十九日太常寺言今來明堂大禮行事依儀用丑時一刻欲乞下皇城司於丑時前五刻開行宮門并經由門戶放令行禮官趨赴立班行事畢除內中有應奉職事官祇應人外其餘行事官等却令開門放出趨赴肆赦立班詔依

九月十一日皇城司言自來每遇大禮應行事執事陪祠官並諸司應奉人並分入皇城諸門今來明堂大禮行在止係行宮南門附近聖駕宿齋內殿係在常御殿門外若不措置竊慮人從擁遏喧鬧不肅今欲乞自宿

殿日除宰執使相郡王并前兩府依舊於皇城門裏宮門外上下馬外餘依下項舊宮門為宮殿門行宮南門為宮門文臣待制武臣觀察使已上于門外下馬行宮南門外設綽楔門為皇城門行事陪祠執事官于門外下馬禮畢依舊詔依

九月十三日皇城司言明堂大禮行事用丑時一刻於時前五刻開行宮門并經由門戶放行禮官趨赴立班并准大內鑰匙庫申車駕內殿致齋殿門權留俟導駕陪祠官等到暫開放令入出外續准尚書省劄子太史局狀丑時一刻係大內四更五點前五刻係子時四刻大內四更一點本司契勘大內四更一點開行宮門止係放行禮等官并應奉人入出竊慮夤夜夾帶不係應

奉人入出擁遏喧鬧不肅欲望旨下有司嚴立罪賞
禁止詔宰執使相郡王前兩府廳帶從人二名待制觀
案使已上一名其不係行事執事陪祠官并應奉及非
合帶從人輒入皇城門者依闌入法雖應入而輒擁遏
喧鬧各杖一百並不以大禮赦原

後皆
做此

紹興四年七月十四日禮部太常寺言明堂大禮係鋪
設四百四十七位祭器禮料近萬餘件合晝夜預行排
設今欲乞令所屬晝夜開行禮殿門放令奉祀祇應人
入出行禮處鋪設排辦詔依

九月二日皇城司言皇城門外綽契門并門裏幕帳門
已承聖旨令儀衛司絞設排辦所有臣僚上下馬去處
欲乞依紹興元年例自宿殿日權依下項禮畢依舊皇

城南門裏幕帳門外宰執使相郡王并前兩府下馬皇城
城南門為宮門于門外文臣待制武臣觀察使已上下
馬皇城南門外綽楔門為皇城門於門外行事陪祠執
事官下馬皇城北門裏幕帳門外神武右軍都統制張
俊係太尉係兩府例下馬皇城北門為宮門于門外觀
察使已上下馬皇城北門外綽楔門為皇城門于門外
觀察使已上下馬南北宮門並依舊詔依後皆
敕此

紹興七年七月十七日太常博士孫拜劄子勘會自來
大禮前二日朝獻景靈宮係用質明俟開內門車駕詣
宮行禮今來明堂行禮日并朝獻景靈宮係在常御殿
設位行禮可以依儀用丑時一刻外所有朝饗太廟緣
在行宮外修蓋兼今來係車駕巡幸竊慮難以依在內

時刻行禮謹按漢武帝郊泰時平旦宮又晉禮樂志江
左多虞不復晨賀夜漏未盡十刻開宣陽門至平旦始
開殿門晝漏上五刻皇帝乃出晉方多虞之時雖朝會
猶在平旦之後今相度欲乞將來明堂大禮并前二日
朝獻景靈宮用丑時一刻行禮其前二日朝饗太廟乞
比附自來朝獻景靈宮禮例并漢晉故事參酌是日行
宮祀常日早二刻開門以俟車駕出詣太廟行禮詔依
九月十九日權太常少卿馮檝等言永御藥院傳聖旨
將來明堂大禮前一日朝饗太廟用質明行禮其已降
指揮係是何典禮若干至日五更一點出內詣太廟行
禮令本寺別行檢照禮例自來大禮前一日朝饗太廟
依儀用丑時一刻昨建炎二年郊祀大禮前一日朝饗

太廟行禮係於行禮時前開行宮門皇帝自內乘輦詣太廟依時行禮所有今來車駕詣太廟行禮欲乞比附上件禮例是日大內五更一點車駕出行宮至廟行禮今來若依所乞其行宮門并太廟門並乞比附景靈宮行禮體例子大內四更三點開門詔依

紹興十年九月五日臣僚劄子檢會皇祐詔書明堂行禮禁衛之中務要嚴整常令人前後謹察辦視非與祀事者無得輒近禁衛如有違慢必行朝典又宣伏衛執儀軍士各令按識行列不得交雜往來又大禮使言准郊例非與祀事人闌入壇壝當議處新今處行事臣僚引接從人敢有輒至大次預湏約束蓋至尊親行盛禮出宮禁勤步武升降于壇殿間凡百侍衛之臣尤宜儆

戒周謹夙夜嚴夜密所以祖宗之朝特有前項處分今
來明堂宮廟大禮在近欲望特降指揮戒飭皇城內
特降指揮戒飭皇城外官司嚴行覺察不得少有疎略
懈怠詔依令所屬檢坐見行條法指揮申嚴施行仍出
榜曉諭

紹興三十一年八月十三日內東門司言據左右番會
通門申將來明堂大禮本門合權行交割門戶下項
一殿作明堂殿行禮所有新置殿門射殿前隔門并兩
廊過道門欲乞依乞紹興十一年四月內先降指揮
大禮宿齋前五日交割與提舉內東崇政殿等門差官
掌管事畢依舊 一後殿依今降指揮作文德殿致齋
係屬皇城司所有後殿門及隔門其上件門戶係宿齋

并行禮日禁衛等排立并百官立班應奉諸色等人經由入出未有指揮許行交割今欲乞依日常朝殿例于宿齋前三日交割與提舉內東崇政殿等門差官掌管事畢依舊詔依

八月十九日皇城司言即今射殿係禁中今來明堂大禮權以射殿充行禮殿所有受誓戒以後津班般大樂入殿并禮畢限三日津般令行禮殿內親事官時暫照管委是相妨遂具奏聞詔禮畢限當日令太常寺般運禁絕

淳熙六年四月七日詔今來明堂大禮其太常寺應令檢舉排辦事務並依淳熙三年郊祀大禮排辦施行本寺今檢會下項 一前十日受誓戒于尚書省并太廟

各五更一點開門 一前十日質明皇太子于太廟齋
坊受誓戒其日早二刻開麗正門以俟皇太子赴受誓
戒立班 一大禮前二日奏告太祖皇帝太宗皇帝室
是日係朝獻景靈宮行禮日分候奏告行禮畢即時開
太廟櫺星門放行事官祇應人赴景靈宮行禮一朝獻
景宮至日五更初開景宮門殿門放令執事人赴殿內
鋪設排辦及令行事執事等官趨赴立班并是日早二
刻開皇城門宮門以俟車駕詣宮行禮 一前一日朝
饗太廟行事依儀用丑時一刻於丑時一刻前五刻開
太廟櫺星門放令行事執事官并應奉人趨赴立班行
事應奉 一分祀九宮貴神所差行事官并祇應人并
前一日早開東青門放令趨赴省饌宿齋

五月十三日禮部太常寺言今具合行申請事件下項

一明堂大禮所設神位共七百七十一位其鋪設祭器實設神酒禮料幣帛等數目浩潯欲乞令所屬照會將行禮殿門并新置便門晝夜開門放令奉祀祇應人至行禮處鋪設排辦一行禮殿係鋪設金玉禮器禮料官物等禮畢合行收徹竊慮殿內不候收徹般運盡絕若便行約出損失官物不便乞候行禮畢令太常寺合千人收徹般運出殿了絕關閉門戶詔依同日禮部太常寺言明堂大禮行事依儀用丑時一刻欲乞依例令皇城司於時前五刻開麗正門和寧門南北宮門并經由門戶放令行事官等趨赴立班行事俟行禮畢文武百官並合易常服詣紫宸立班稱賀俟稱

賀畢除內中有應奉執事官祇應人外其餘文武百官却令開門放出詔依

七月四日大內鑰匙庫言今來明堂大禮其在內諸門及臨安府諸城門經由去處最為緊切今參照比擬到開開權留門戶時刻 一在內諸門宿殿日除麗正門和寧門東華門並依時鎖閉外內垂拱殿門南北宮門內軍器庫門遇夜並權留搭闕擺鎖候見提舉禁衛等官及應奉官更到許暫開放入出 一景靈宮行禮日依太常寺申請指揮並乞早二刻開在內諸門 一太廟宿齋日其在內諸門本庫依例赴內東門轉牌給鑰開閉外晝日并權行掩亞放人入出 一太廟文德殿宿齋其日本庫將帶合千人早晚及過夜赴殿門外轉

奏依時開閉在內諸門牌祇備權留門戶并轉奏行事
等早刻開門牌合經由入出門戶依乞例令地分合干
人轉奏開閉門戶牌 一太廟行事日其本處門戶如
官司權設置皇城宮殿等門闕送到鑰匙赴庫收掌發
放乞前期關送赴庫內宮殿等門遇夜并權留搭關攔
鎖候見提舉禁衛等官陪祠應奉官吏到許暫開放入
出其至夜太廟丑時一刻行事依太常寺申請指揮前
五刻給鑰開諸門 一太廟朝饗畢聖駕詣文德殿宿
齋其日在內諸門並依時開除麗正和寧東華門並依
時鎖閉外內垂拱殿門南北宮門內軍器庫門遇夜並
權留搭關攔鎖候見提舉禁衛等官陪祠應奉官吏到
許暫開放入出其至夜明堂丑時一刻行事依太常寺

申請指揮前五刻給鑰開麗正和寧南北宮門及經由
門戶宿殿日并文德殿宿齋日遇夜收索大內麗正和
寧東華門鑰匙乞直降御寶劄子付大內本庫 一太
廟宿齋日遇夜取索大內麗正和寧東華門垂拱殿門
南北宮門內藏庫內軍器庫鑰匙開閉門戶直降御寶
劄子付太內本庫 一太廟宿齋并行事日遇夜取索本
處門戶鑰匙開閉門戶乞直降御寶劄子付隨從本庫
一臨安府諸城門宿殿日并文德殿宿齋日諸城門
並依常日開閉 一太廟宿齋日除嘉會候潮新開門
築新餘杭豐豫門依時開閉外其餘門戶權行鏐閉
一太廟朝饗畢聖駕詣文德殿宿齋日依太常寺申請
同日絕早開東青門放分命九宮貴神行官事祇應入

趨赴宿齋行事候出絕即時鏐閉 一宿殿并宿齋日
遇夜取索諸城門鑰匙開閉門戶直降御寶劄子付大
內本庫一宿殿行禮日令殿前司量差官兵守把本府
諸城門事畢依舊一宿殿行禮日在內諸門并臨安府
諸城門如官司別有申請早開權留門戶即依申請指
揮 一本庫依令每日申時赴通進司請火赴庫停留
照驗發放在內并臨安府諸城門鑰匙至天明洒熄其
通進司趨赴太廟宿直本庫即無請火去處欲乞自宿
殿日赴通進司請火依例晝夜停留兩日事畢仍舊詔
依

七月十三日權禮部侍郎齋慶胄言壇殿之嚴近在宮
闈之內凡執事之皂隸與臣僚之從人尤宜周坊俾盡

嚴肅臣伏見紹興十年臣條劄子檢會皇祐詔書明堂
行禮禁衛之中務要嚴整常令人前後謹察辨視非預
祀事者無得輒近禁衛又宣伏衛執儀軍士各令按識
行列不得交雜往來又大禮使言准郊例非預祀事人
闌入壇壝當議處斬援此乞行約束嘗為申嚴法禁矣
今來歲事之日寢近所宜措置臣愚欲望聖慈特降睿
旨戒飭皇城內外官司預行儆戒務令嚴密仍從御史
臺皇城司出榜曉諭通知庶幾上下恭虔導迎景貺詔
依

中興禮書第七十六卷

吉禮七十六

明堂祝冊表文祝文一

紹興四年五月空日國子監丞王普言今歲舉行明堂大禮普去冬曾被旨兼權太常博士竊觀紹興元年明堂案牘內有未合典禮事件前期降御札奏告天地宗廟社稷御書祝版並云伏為御札降奏告普謹按國朝會要天禧中真宗皇帝以奏章上帝用御前之寶理亦非便故改用昭受乾符之寶今大禮前期奏告神祇祖宗而祝文云御札降恐未足以稱主上嚴恭裡祀之意欲乞詳酌更改送禮部勘當中本部今據太常寺申拖照紹興元年明堂御札降下奏告昊天上帝其祝版云

嗣天子臣名伏為御札降奏告謹遣某官奏告看詳既稱嗣天子臣名不應對天地宗廟社稷自稱御札降委是語言輕重不倫竊慮有司一時省記差誤今勘當合行改正申聞事學士院契勘紹興元年九月明堂大禮奏告天地宗廟社稷諸陵宮觀青詞表文祝文係稱伏為御札降奏告謹遣某官敢昭告于云云所有今來明堂大奏告若行改正即合稱伏為今年九月有事于明堂謹遣某官敢昭告于云云詔恭依

七年四月二十一年禮部太常寺言今具下項一將來明堂大禮正配四位合用祝冊四副前二日朝獻景靈宮合用祝冊一副前一日朝饗太廟合用祝冊一副欲並令工部依法式修製一將來明堂大禮各

差引冊執燭內侍官各一員欲下入內內侍省差并朝
獻景靈宮合差引冊文官承務郎以上官一員欲乞下
建康府差待次或寄居官其所著衣服並乞依昨兩次
明堂大禮已得指揮並服常服 一將來大禮合用御
冊一十六副共合差抬擎并執擎法物天武官一百三
十八人并合用援衛金吾衛司三十人欲乞下殿前司
左右金吾街仗司差撥一御冊自來奏請宿齋日合設
于冊堂緣今來別無冊堂施設契勘昨來明堂大禮係
于臨安府天慶觀後望祭齋宮安奉所有將來大禮前
三日安奉御冊并應奉職掌守冊宿泊去處欲下建康
府踏逐近便清潔去處排辦 一今來所用御冊合修
製沿冊法物若創行修製委是名色數多契勘行宮禮

部并太廟見收掌昨紹興四年明堂大禮冊下法物并
中嚴外辦解嚴牙牌三面及盛貯帕帳等欲乞指揮下
行宮禮部盡數般取赴行在 一合于禮部差捧冊職
掌抱席褥職掌并合差進行抱中嚴外辦解嚴牙牌職
掌共五十人本部今欲乞內捧冊抱席褥職掌共只差
三十三人袞頓應奉各合服介續緋羅寬衫勒帛今來
合行創造并進抱牙版職掌合服絳公服欲並令工部
疾速製造應副將來行禮使用詔依

十年七月四日禮部太常寺言今參酌比附申請下項

一溫州景靈宮聖祖天尊大帝元天大聖后前合用

青詞二首

並述以今年九月十日明堂大前後殿祖宗

帝后神御前合用祝文一十六首

並述以今年九月十日

新賦差官分 已上青詞祝文並乞令學士院預行修撰

書寫進書訖令入內侍省所差降香人一就齋降赴

太宮一內中承元殿徽宗皇帝順承殿顯恭皇后顯恭

肅皇后神御前合用祝文二首並述以今年九月十日

差官分詣祭之無 乞令學士院修撰書寫進書訖降付太常寺

供應詔依

三十一年七月二十四日禮部太常寺言明堂大禮已

指降揮景靈宮太廟遣大臣攝事行禮皇上親行大饗

之禮其逐處合行用冊文一首令學士院修撰書寫進

書訖降付禮部內景靈宮冊文一首述以明堂大禮前

遣官攝事之無 太廟冊文一十一首並述以明堂大禮前一

明堂大禮冊文一首禮並述以明堂大 所有沿冊法物冊

幄讀冊引冊執燭官捧冊抱進中嚴外辦解嚴牙牌職掌抬擎援衛御冊天武官街司等合行差辦欲乞依逐次大禮體例差辦內景靈宮太廟冊文仍空所遣官銜位姓名詔依

八月一日禮部太常寺言將來明堂大禮前二日朝獻景靈宮分詣元天大聖后合用青詞一首諸帝神御共

合用祝文一首諸后神御合用祝文二首

並述以明堂大禮前一

事分詣景靈宮太廟七祀合用祝文一首

並述以明堂大禮前一

日

前一日朝享太廟遣官攝事行禮之意

明堂大禮前二日奏告徽宗皇帝

一室合用祝文一首

述以明堂大禮前二

並乞令學士

院修撰書寫進院書訖降付太常寺內七祀祝文更不進請仍空所遣官銜位姓名詔依

淳熙六年四月八日尚書省劄子節文今來明堂大禮

其太常寺應合檢舉排辦事務乞並依淳熙三年郊祀

大禮降已指揮排辦詔依本寺今檢照淳熙三年郊祀

大禮已行体例下項 一朝前二日朝獻景靈宮分詣

祖宗帝后神御前行禮合用祝文內中殿祖宗諸帝神

御用祝文一首元天大聖后用青詞一首諸后用祝文

二首並述以明堂大禮前二日 一同日分祀九宮貴

神并分祭太社太稷合用祝文一十三首 一前二日

奏告太祖皇帝太宗皇帝配侑所有合用祝文二首並述

以今年九月十六日有事于明堂前二日差官奏告配侑之意 一明堂大禮前一日

朝饗太廟祀七祀合用祝文一首述以今年九月十六日有事于明堂前一

日朝饗太廟祀七祀之意 已上青詞祝文並乞令學士院修撰書

寫訖降付本寺 一明堂大禮前一日饗別廟安穆皇后室安恭皇后室依已降指揮並如常享之儀合用祝文二首令秘書省修撰書寫仍不進書前二日降付祠所供應

二十七日禮部太常寺言今_本明堂大禮合用文並乞下

學士院修撰書寫進訖請降付禮部前二日朝獻景靈

宮冊文一首

_{前二日為明堂大禮}

_{前二日為明堂大禮}前一_日朝饗太廟別廟

冊文一十二首

_{前二日為明堂大禮}

_{前一_日朝饗太廟別廟}

明堂大禮冊文四

首

_{並述以明堂}

詔依

_{大禮之意}

中興禮書第七十七卷

吉禮七十七

明堂祝冊表文祝文二

紹興元年御札降奏告 昊天上帝祝文 維紹興元
年歲次辛亥七月乙未朔十三日丁未朔天子臣 伏
為御札降奏告謹遣某官姓名敢昭告于昊天上帝伏
以自頃郊見復茲歲臨將擇季秋之辰恭修重屋之祀
不敢不告尚饗 皇地祇祝文 維紹興元年歲次辛
亥七月乙未朔十三日丁未朔天子臣 伏為御札降
奏告謹遣某官姓名敢昭告于皇地祇前同尚饗 宗
廟祝文 維紹興元年歲次辛亥七月乙未朔十三日
丁未朔曾孫嗣皇帝臣 伏為御札降奏告謹遣某官

臣姓名敢昭告于僖祖立道肇基積德起功懿文憲武

睿和至孝皇帝尚饗翼祖簡恭睿德皇帝

諸室同前

宣祖

昭武睿聖皇帝太祖啟運立極英武睿文神德聖功至

明大孝皇帝太宗至仁應道神功聖德文武睿烈大明

廣孝皇帝真宗膺符稽古成功讓德文明武定章聖元

孝皇帝皇高祖考仁宗休天法道極功全德神文聖武

濟哲明孝皇帝皇曾祖考英宗體乾膺歷隆功威德憲

文肅武睿神宣孝皇帝稱孝曾孫嗣皇帝臣某皇祖考

神宗體元顯道法古立憲帝德王功英文烈武欽仁聖

孝皇帝稱孝孫嗣皇帝臣某皇伯考哲宗憲元繼道世

德揚功欽文睿武齊聖昭孝皇帝稱孝姪嗣皇帝臣某

太社太稷祝文 維紹興元年歲次辛亥七月乙未朔

十三日丁未朔天子某伏為御札降奏告謹遣官某姓

名敢昭告于太社

詞同前

尚饗

龍瑞宮告成觀天慶觀

青詞

維紹興元年歲次辛亥七月乙未朔十三日丁

未朔天子臣謹遣某官臣姓名謹上啟昊天上帝

詞同前

無任懇禱之至謹詞

諸陵表文臣某言

詞同前

謹差某

官臣姓名奉表奏告以聞臣某誠惶誠懼頓首頓首謹

言紹興元年五月日孝曾孫嗣皇帝臣某上表永安陵

宣祖皇帝昭憲皇后永昌陵太祖皇帝孝惠皇后孝明

皇后孝章皇后章懷皇后永熙陵太宗皇帝淑德皇后

懿德皇后明德皇后元德皇后章穆皇后永定陵真宗

皇帝章獻明肅皇后章懿皇后章惠皇后永昭陵仁宗

皇帝慈聖光獻皇后永厚陵英宗皇帝宣仁聖烈皇后

稱孝曾孫嗣皇帝臣某永裕陵神宗皇帝欽聖憲肅皇

后欽成皇后欽慈皇后顯恭皇后稱孝孫嗣皇帝臣某

永恭陵哲宗皇帝昭懷皇后稱孝姪嗣皇帝臣某五嶽

四瀆祝文自紹興十年維紹興元年歲次辛亥七月乙

未朔十三日丁未皇帝伏為御札降祭告謹遣某官

臣姓名敢昭薦于東嶽天齊仁聖帝前同尚饗西嶽金

天順聖帝北嶽安天元聖帝中嶽中天崇聖帝東海助

順淵聖廣德王東海一位白乾道六年西海通聖廣潤

王北海沖聖廣澤王東瀆大淮長源王西瀆大河顯聖

靈源王北瀆大濟清源王同前並南嶽南海南瀆係路通

去處齋降祝文前去同前並南嶽司天昭聖帝南海

洪聖廣利昭順威顯王南瀆大江廣源王同前並前二日

奏告太祖皇帝太宗皇帝祝文維紹興元年歲次辛亥
九月甲午朔十六日己酉孝曾孫嗣皇帝臣某伏為明
堂大禮前二日奏告謹遣某官臣姓名敢昭告于太祖
啟運立極英武睿文神德聖功至明大孝皇帝太宗至
仁應道神功聖德文武睿烈大明廣孝皇帝伏以比竊
剛日恭致嚴禋昭五色之祲容輯兩儀之靈貺禮有登
配神斯顧歆爰殫孝饗之誠式舉累朝之典不敢不告
尚饗朝獻景靈宮聖祖天尊大帝冊文并分詣元天大
聖后青詞祖宗諸帝后祝文並朝饗太廟冊文
此並維紹興元年歲次辛亥九月甲午朔十六日己酉
孝曾孫嗣皇帝臣某謹遣某官姓名敢昭告于僖祖立
道肇基積德起功懿文憲武睿和至孝皇帝文懿皇后

崔氏伏以維德不類嗣承明裡乃涓剛辰祇見上帝燕

及宗祐垂休亡窮謹以嘉玉量幣柔毛剛鬣明榮薌萼

嘉疏嘉薦清酌式陳明薦尚饗

自元年至十年朔癸太
母父同並同內十年添

我宗宣
冊文

翼祖簡恭睿德皇帝簡穆皇后劉氏

並同宣

祖昭武睿聖皇帝昭憲皇后杜氏太祖啟運立極英武

睿文神德聖功至明大孝皇帝孝惠皇后賀氏孝明皇

后王氏孝章皇后宗氏太宗至仁應道神功聖德文武

睿烈大明廣孝皇帝淑德皇后尹氏懿德皇后符氏明

德皇后李氏元德皇后李氏真宗膺符稽古成功讓德

文明武定章聖元孝皇帝章懷皇后潘氏章穆皇后郭

氏章獻明肅皇后劉氏章懿皇后李氏皇祖考仁宗體

天法道極功全德神文聖武濟哲明孝皇帝皇高祖妣

慈聖光獻皇后曹氏皇曾祖考英宗體乾膺歷隆功成
 德憲文肅武睿神宣孝皇帝皇曾祖妣宣仁聖烈皇后
 高氏稱孝曾孫嗣皇帝臣某皇祖考神宗體元顯道法
 古立憲帝德王功英文烈武欽仁聖孝皇帝皇祖妣欽
 聖憲肅皇后向氏欽成皇后朱氏乾道六年三月九日
詔肅皇后妣稱孝皇祖妣欽慈皇后陳氏稱孝孫嗣皇帝
 臣皇伯考哲宗憲元繼道世德揚功欽文睿武齊聖昭
 孝皇帝皇伯妣昭慈聖獻皇后孟氏皇伯妣昭懷皇后
 劉氏稱孝姪嗣皇帝臣某皇妣惠恭皇后王氏紹興七年
六月一日
成祖稱孝子嗣皇帝臣某皇上帝冊文以後稱孝
 維紹興元年歲次辛亥九月甲午朔十八日辛亥嗣天
 子臣某敢昭告于昊天上帝伏以明明在上照臨四方

惟我邦家夙膺景命世修裡類猥及冲人祇見合宮敢
忘其舊謹以玉帛犧齊案盛庶品肅恭裡祀式展誠欽
太祖啟運立極英武睿文神德聖功至明大孝皇帝太
宗至仁應道神功聖德文武睿烈大明廣孝皇帝配神
作主尚饗 皇地祇冊文 維紹興元年歲次辛亥九
月甲午朔十八日辛亥嗣天子臣某敢昭告于皇地祇
伏以肇裡明堂饗帝之盛於赫厚載與天同尊二儀合
祛厥有常典敢罄齋栗用祈顧歆謹以玉帛犧齊案盛
庶品肅恭裡祀式展誠欽太祖啟運立極英武睿文神
德聖功至明大孝皇帝太宗至仁應道神功聖德文武
睿烈大明廣孝皇帝配神作主尚饗 太祖皇帝冊文
維紹興元年歲次辛亥九月甲午朔十八日辛亥孝

曾孫嗣皇帝臣某敢昭告于太祖皇帝

同前

伏以於皇

祖宗肇有四海陟配上帝百年于茲眇然冲人嗣主茲

祭報以崇極舊章敢忘謹以制幣犧齊潔盛庶品肅恭

明薦侑神作主尚饗太宗皇帝冊文

同前

明堂大

禮畢恭謝景靈宮聖祖天尊大帝元天大聖后天慶觀

昊天上帝青詞

同前

維紹興元年歲次月朔日辰嗣皇

帝臣某伏為明堂大禮畢謹遣某官臣姓名於温州景

靈宮恭謝謹上啟聖祖上靈高道九天司命保生天尊

大帝元天大聖后伏以比諱嚴裡用昭美報荷三靈之

降鑒致百禮之脩成敢修祕笈之儀用企叢霄之馭庶

扶景祚永格殊休無任懇禱之至謹詞恭謝景靈宮諸

帝祝文

以後稱呼違官

維紹興元年歲次月朔日辰孝

曾孫嗣皇帝臣某伏為明堂大禮畢恭謝謹遣某官臣
姓名敢昭告于宣祖皇帝太祖皇帝太宗皇帝真宗皇
帝仁宗皇帝英宗皇帝神宗皇帝哲宗皇帝伏以此節
崇筵具陳嘉玉章高穹之顧答知景祚之靈長坐格熙
成寶資詔燕敢懋菲涼之質永承錫羨之休尚饗 諸

后祝文二首

昭憲皇后孝明皇后懿德皇后明德皇

后元德皇后章穆皇后章獻明肅皇后章懿皇后慈聖

光獻皇后祝文

詞同

宣仁聖烈皇后章懿皇后慈聖光

成皇后欽慈皇后昭慈聖獻皇后昭懷皇后惠恭皇后

大禮畢奏謝諸陵表文

比卜九秋之吉躬陳五室

之儀荷帝博臨及時祗薦惟夙承于丕訓用克濟于嚴
裡既饗休成敢忘昭報 祭謝五嶽四瀆祝文 欽以

承祀方致饗于大示徧于有神遂兼修于羣望禮既具
飭靈來宴娛昭告薦誠敢祈垂鑒

四年御札降奏告天地宗廟社稷天慶觀天寧觀諸陵
昭慈聖獻皇后撰宮同並維紹興四年歲次甲寅五月

庚戌朔十九日戊辰朔天子臣某伏為今年九月有事

于明堂

自是歲伏為御札降云伏為今謹遣某官臣姓

名敢昭告于昊天上帝伏以間三歲之期當紹修于元
祀卜季秋之節將祇款于合宮既戒攸司不敢不告尚

饗 五嶽四瀆祝文 國有大事歲當親祠將因杪秋

再款重屋肅陳嘉薦以告先期 前二日奏告太祖皇
帝太宗皇帝配侑祝文將稱元祀得卜季辛未修重屋
之規以導兩儀之況仰威神之在上有昭配之彌文實

舉舊章敢忘告禮 朝獻景靈宮聖祖天尊大帝冊文

并分詣元天大聖后青詞祖宗諸帝后祝文

並

朝饗太

祖冊文

與元

昊天上帝皇地祇太祖太宗皇帝冊文

並

明堂大禮畢恭謝景靈宮聖祖天尊大帝元天大聖后

天慶觀聖祖天尊大帝青詞 哀對合宮克禋元祀允

迪休成之慶順膺昭假之休恭演冲科式嚴嘉報親垂

淵鑒永膺丕圖 恭謝景靈宮諸帝后神御祝文 祇

率舊章聿修肆祀靈休高厚登侑祖宗實仰在天之威

克成饗帝之禮敢伸潔告用覲鑒臨 諸陵祖宗諸帝

表文 祇荷丕圖適循先憲爰即九筵之御載嚴三歲

之詞精意以禋備成饗帝之禮靈釐允答實仰在天之

威敢薦潔誠益祈孚佑 諸陵表文 祇被合宮聿修

大報膺受神筭昭對純釐顧菲德之承休賴徽音之詔
燕敢伸潔告用迪瞻臨 昭慈聖獻皇后表文合祔陽
館既對越予在天瞻望橋陵用轍假于有廟伏惟昭慈
聖獻皇后徽音儼聖厚德儀坤念釐事之休成仰詒謀
之燕翼聿修嘉報祈永孚休 祭謝五嶽四瀆祝文
歷吉季辛載巖美報受釐陽館允格靈休實絜默相之
祥茲洽休成之慶敢陳報禮益介真祺 七年御札降
奏告天地祖宗社稷天慶觀天寧觀諸陵同並大祀有
嚴當躬行于三載上儀肅將卜用于季秋既戒攸司不
敢不告 昭慈聖憲皇后攢宮表文 五嶽四瀆祝文
躬祠總章巖配上帝將以季秋之月恭修宗祀之儀已
戒前期不敢不告 前二日奏告太祖皇帝太宗皇帝

配侑祝文 登歌清廟考卜季秋上稽嚴父之文大講

事天之事將恭行于裡祀已前戒于有司敢告先期庶

幾來格前二日朝獻景靈宮 聖祖天尊大帝冊文

赫赫在上實右序于國家俾熾而昌世昨明德其流有

衍施及冲人吉蠲精明用嚴孝祀元天大聖后青詞祖

宗諸帝后祝文並太廟七祀維紹興七年歲次丁巳九

月庚申朔二十一日庚辰皇帝伏為明堂大禮前一日

朝饗太廟謹遣某官姓名恭祭于司命戶竈中霤門屬

行伏以躬祠路庭前饗清廟式先九室之告載哀七祀

之嚴冀輯靈休助成熙事諒惟聰直克監精虔尚饗

昊天上帝冊文明明在上臨照四方惟我邦家夙膺景

命世修裡類猥及冲人祇見合宮敢忘其舊 皇地祇

冊文筆裡明堂饗帝之盛於赫厚載與天同尊二儀合
祛厥有常典敢罄齋栗用祈顧歆 太祖太宗皇帝冊
文 於皇祖宗肇有四海陟配上帝百年于茲眇然冲
人嗣主茲祭報以崇極舊章敢忘 明堂大禮畢恭謝
景靈宮聖祖天尊大帝青詞 真符肇錫申景命于九
天皇緒系隆荷鴻休于億載比修大饗既考上儀敢祇
按于明科用答揚于冲佑佇延颺馭式鑒精衷 元天
大聖后青詞 德符厚載默固邦家之基禮備明裡肅
承天地之況式遵大範恭按冲科用昭薦于精衷冀答
揚于慈佑 祖宗帝后祝文 欽崇明祀載舉親祠神
示顧臨祖宗來格肅承嘉饗 敷錫多方既考上儀敢
忘丕佑 諸陵表文 躬修大報藏事于合宮夙念先

獻

后改先獻
作徽音

歌功于清廟建三靈之委况綿萬寓以均

釐克舉上儀敷忘丕佑

后改丕佑
作慈蔭

祭謝五嶽四瀆祝文

游舉上儀肅承嘉嚮神祇降福既敷錫于寰民川嶽

儲靈用永綏于邦統敷忘昭報式薦精衷十年御札降

奏告天地宗廟社稷天慶觀報恩光孝觀諸陵五嶽四

海四瀆

詞並同

因時西成修國元祀將並侑于烈祖以崇

配于大神既戒前期敷忘昭告 昭慈聖獻皇后攢宮

表文 前二日奏告太祖皇帝太宗皇帝配侑祝文

肅霜在候萬寶備成肆用吉辛肇嚴祀事洪惟神聖道

合兩儀永言孝思推以配侑式先敷薦庶合格監觀前

二日朝獻景靈宮 聖祖天尊大帝冊文 分詣元天

大聖后青詞祖宗帝后祝文

詞並同

欽循國典肇舉宗祈

卜季秋之良稱秩九筵之盛前伸潔告式迓休成 太
廟七祀祝文 歲事合宮朝饗清廟編列聖而薦禮先
七祀以致祠敢冀明靈特垂昭鑒 昊天上帝皇地祇
太祖太宗皇帝冊文 明明堂大禮畢奏謝諸靈表文
合祛大神祇應清廟荷顧歆而臨况蒙來格于孝思仰
賴燕謀克成熙事敢伸昭報之禮永祈保佑之休 昭
慈聖獻皇后攢宮表文 明明堂大禮畢奏謝天慶觀報
恩光孝觀青詞序叶季商禮行重屋念克成于熙事實
蒙佑于上真敢率彝章載嚴嘉報仰祈冲監益祚永圖
五嶽四海四瀆并南鎮會稽山永濟王祝文 詞通親
執圭帑昭事神祇告成宗祈實翊臨鑒敢伸報謝之禮
永孚祐相之休三十一年御札降奏告天地宗廟社稷

天慶觀報恩光孝觀太乙宮諸陵橫宮

同前

三歲親祠

比屢修于郊類季秋大饗茲誕舉于宗祈爰祇奉于孝思敢預伸于虔告 別廟懿節皇后祝文 國有大事

莫重親祠君之孝思敢忘宗祀式陳芳薦祇告先期

五嶽四海四瀆祝文國有大事莫重親祠君之孝思敢

忘宗祀爰修嘉薦祇告先期 前二日奏告徽宗皇帝

配侑祝文 霜露既降怵惕于懷爰卜上辛恭修大饗

欽惟神聖合德圓穹永言孝思惟以陟配敢先昭告薦

此芬馨 前二日朝獻景靈宮聖祖天尊冊文 惟皇

上帝臨下有赫右序我家祖功宗德施及眇躬誕受明

命敢曰能饗禮維其稱 分詣元天大聖祠事仰祈

昭鑒密賜護持爰分遣于從臣以虔告于祠事仰祈昭

鑒容賜護持 祖宗諸帝后祝文 國有大事時維宗

祈先日之休祇謁原廟祠官分詣仰幾顧歆熙事備成

翳我先德 前一日朝饗太廟祖宗帝后冊文版宗室
冊文奉

期仁皇
后臨臨嗣承聖統寅奉明禋爰修大饗以穆帝親敢伸

誠悃祇謁于神 別廟祝文 肇稱宗祀寓饗法宮永

懷警戒之勤爰講禋將之禮式陳豐潔尚克居歆 太

廟七祀祝文維時祠夙戒朝饗式嚴九室之奉爰修七

祀之文欽惟神靈密垂護佑相我熙事底于休成 昊

天上帝冊文 皇天無親眷于一德昔我祖宗誕受厥

命肆惟眇質嗣承丕休歲茲禋祀庶其子之 徽宗皇

帝冊文 宗祀明堂禮必有先嚴父配帝孝莫大焉眇

惟小子嗣守宗祏九筵之報曷其有極 明堂大禮畢

奏謝諸陵表文

紹興府同知並同

欽承謨烈嗣守基圖卜季秋

之上辛歲合宮之宗祀仰翳靈祐獲展孝思敢忘昭謝

之誠采竊聿歸之慕懿節皇后攢宮祝文月正季

秋禮崇大饗之徽音有助熙事告成惟明薦之吉蠲寓

精衷而昭謝五嶽四海四瀆祝文祇事合宮率循舊

典相我熙事翳神之休遐想叢祠越在外服望秩斯在

庶其感通南嶽南海南瀆祝文祇事合宮率循舊

典相我熙事翳神之休欽想叢祠邇在遠服肅將致告

尚其格斯南鎮會稽山永濟王祝文祇事合宮率

循舊典相我熙事翳神之休欽想叢祠肅將致告必芳

斯薦庶其感通淳熙六年御札降奏告天地宗廟社

稷太一宮天慶觀報恩光孝觀祝文奏

紹興三十二年

遷異祖而神使而神效宗祀祇承親訓稽協邦常因萬
物之成秋舉九筵之盛祀仰祈昭鑒虔告先期 別廟
安穆安恭皇后祝文 參講上儀肇修宗祀已卜涓嘉
序當飭戒于先期爰率故常並伸預告 諸陵表文
荷天休命當修大報之常稽古彌文肇舉合宮之饗茲
遯瞻于真域敢祇告于先期爰達丹誠庶乎靈鑒 安
穆安恭皇后橫宮祝文 三歲親祠具存常典九筵宗
祀丕講上儀飭事維虔先期是告 五嶽四海四瀆祝
文 肅涓嘉序祇事合宮慨疆域之未還瞻山川之尚
遠並陳芳薦遙告先期南嶽東海南海南瀆祝文 遵
用彝章紹修宗祀卜涓時月之吉敷告山川之靈庶達
虔誠並孚聰鑒前二日奏告太祖皇帝太宗皇帝配侑

祝文 歲屬親祠禮嚴宗祀永懷祖烈實配天明將脩
坐于堂筵豫告虔于廟室庶綏靈顧以迄熙成 前二
日朝獻景靈宮聖祖天尊大帝冊文肇啟真緒源深流
長顯陳休符錫祚無極施及涼昧纂承丕圖明堂孔陽
將舉裡禮言趨秘宇祇薦令芳既開其先必裕乃後敢
忘勵翼永紹淵宗 分詣元天大聖后青詞紹舉明裡
已涓辰而展采祇循彝典敢先事以禱 祖宗諸帝祝
文 紹承慶運蒐講上儀循三歲之彝章舉九筵之親
祀敢先信宿祇款神靈庶達明誠並垂孚鑒 諸后祝
文 練吉商辰躬祠世室俞來四海之助昭格三靈之
歡敢飭前期祇修嘉薦仰祈丕佑永庇昌圖 前一日
朝饗太廟祖宗帝后冊文 三歲親祠我家盛禮內循

菲德祇通葵章穆卜季秋肇禋陽館先期假廟備飭齋
誠羣工駿奔以職來助鬱尊裸鬯樂舞振庭對越在天
純熙用介 別廟懿節皇后冊文 十亂之功獨尊文
母賓空雖久遺範故存卜歲習祥禮行世室臨裸別廟
優然懷思笙鏞繹純邁豆豐潔歆時孝饗垂祐家邦

別廟安穆安恭皇后祝文

有司行事

宗祀合宮裸將清廟允

懷內德式薦精禋尚親窈冥聿來燕上

以授明堂饗別廟祝文並同此

太廟七祀祝文

王立七祀著于祭法載于月令其來

尚矣茲予大饗合宮先薦清廟乃命執事旅神于庭各

迪有功佑我羣姓

昊天上帝冊文

惟皇無私臨下

有赫親德饗道聰明自民惕惟菲躬祇荷眷祐五修郊
報決宇乂安載稽舊章倣講宗祀物難仰稱誠或居歆

迄用康平敢忘寅畏 皇地祇冊文博厚載物靜專承
天溥彼羣生裕于大化欽念菲質嗣承慶基山川晏寧
稼穡蕃阜遂以商飭修報合宮承神至尊精意孚盡臨
錫景福垂休無疆 太祖皇帝冊文五代脗聞萬姓請
命誕降真主風揮日舒方憂載寧桑倫攸序天德地業
傳及菲躬報本返初無物可稱宗祀世宣陟配兩儀威
神在天右序罔極 太宗皇帝冊文 維聖肇造維明
纂承廣聲昭功混一函夏施逮寡德紹膺慶休時維肅
秋歲物告阜祇舉曠典大饗合宮明明祖宗並侑于並
坐來燕來止綏福萬邦 分祭太社太稷祝文 太稷祝文
五土曰
立祀于總章為國大事缺而弗講垂二十年茲卜仲辛
執圭幣瞻言五土神寶司之大饗之期適當秋報即壇

歲事祇薦二精庶其降康以嗣以續 后土勾龍氏祝

文 大饗明堂國家盛禮欽惟土正功在生民三代以

來世修祀典申詔執事歲儀于壇屢惟豐年於以昭報

后稷氏

謂同改土
政曰田政

分祀九宮貴神祝文

財成元化

陰隲下民凡國親祠即壇別祭茲肇禋于重屋敢徵福

于大神的天寶之舊儀循祥符之定制庶幾鑒格永底

安平 明堂大禮畢奏謝諸陵表文 大饗明堂格王

之盛則度筵路寢皇祐之宏規聿臻典禮之成必契神

靈之意邀瞻仙寢遠在洛師爰貢封章恪伸謝悃尚監

奉先之志永垂裕後之恩 昭慈聖獻皇后橫宮永祐

陵橫宮表文 大饗明堂格王之盛則度筵路寢列聖

之宏規建臻典禮之成知契神靈之意載瞻仙寢近在

稽山祇達封章恪伸謝悃尚監奉先之敬永垂裕後之
恩 安穆安恭皇后橫宮祝文 明堂盛禮久曠弗行
茲以季秋躬執珪幣天地况施祖宗顧歆追念後儀嘗
勤內助聖圉在望庸告熙成 五嶽四海四瀆祝文
比卜季秋肇修宗祀陰晴協應典禮熙成居歆雖荷于
帝臨望秩抑資于祐恪伸報謝庸達忱誠 南嶽東海
南海南瀆祝文 合宮親饗景況駢臻荷天心之顧懷
抑神力之陰相馳辭無遠致謝有常祈鑒乃誠益孚厥
祐 南鎮會稽山永濟王祝文 歷吉季商歲儀宗祀賴
天况施熙事備成顧瞻名山近在浙左敢忘昭謝以答
靈休

九年御札降奏告天地祝文 祀為重典國有異章茲

祇荷于宏休爰躬修于美報已涓商序載啟崇筵舉天地合祛之儀行祖宗並配之禮先期既告衆聽已周最數露于丹誠庶道迎于景貺宗廟祝文稽參故典當躬三歲之詞鋪究上儀載舉九筵之禮合祛天地升脩祖宗已誕告于羣臣敢敷聞列聖庶膺孚佑迄底熙成

別廟安穆安恭皇后祝文 皇皇總章號古盛禮事

天尊祖厥同郊卽涓時之良將用修舉先期以告庶或鑒之 太社太稷祝文祇卜秋辛躬祠世室百工顯相四海和來載惟司穀之神實繫生民之本爰敷丹悃用告先期 天慶觀報恩光孝觀青詞 祠率彝章躬修大饗選龜協吉已涓用于季秋渙號揚庭亦亶孚于列位敢敷丹悃並達高真願垂降鑒之休迄相熙成之盛

太乙宮祝文

躬祠世室將載鑒於邦儀館御行基

實潛資于福蔭敢祈昭鑒俾遂熙成達精意于上靈
卑宏休于下國潔成以告垂佑是期 諸陵表文 祇修
曠典載舉明禋妥侑祖宗之靈導迎高厚之貺屬申先
告方輯彌文遐企仙遊肅陳圭薦惟威神之鑒御符彤
璽之顧懷 安穆安恭皇后橫宮祝文歲祥習吉載祇
被盛容路寢嚴禋聿申大報緬懷陰範式告先期 五
嶽四海四瀆祝文 肆禋上帝載祇被路廷受記諸神
庸修嚴祀遯瞻靈象寅告先期冀歆格于明誠汔綏成
于熙事 南嶽東海南海南瀆祝文 總章大饗維古
盛儀已卜秋辛遂行親祀鉅川喬嶽分奠坤元相時休
成實翳神貺先期以告庶或鑒之 前二日奏告太祖

皇帝太宗皇帝配侑祝文紹履慶國緝熙大祭會九秋
之吉序輯五室之宗旂妥侑聖靈擁綏祉福式先敷薦
密監精忱前二日朝獻景靈宮聖祖天尊大帝冊文靈
命有開先天創物陟鑒無象錫佑後人休德昭明慶圖
濟邇惕惟涼昧欽對鴻歷凝被潛貺典禮時舉展容陽
館前歟殊庭誠敬飭盡神饗載謚如或臨之表裏承福
分詣元天大聖后青詞 癸承茂典祇舉明禋既敷
諭于先庚將展成于盛禮仰綏靈顧前罄寅衷 祖宗
諸帝祝文歷歷吉靈辰歲儀宗饗祇循列聖之範參恪
三神之歡前即祕極肅申芳薦式佇誠明之應益綏顧
右之懷 諸后祝文 歲修絜祀謁歎上神虔卜霜秋
之辰聿嚴路寢之制惟柔儀之如在相照事以備成祓

祇前期秋陳嘉猷 前一日朝獻景靈宮太廟祖宗帝
用文景命有集帝基誕載于皇世德對揚天人流耀
奕昭覆無窮祇荷慶靈海宇熙乂卜吉秋序承神大庭
後懷成烈前假太宮肅雍顯清蓮豆有踐神保是格萬
福如期別廟懿節皇后冊文 追養自本立愛惟親翼
翼闕宮神儀肅上顯德彰孝敷時繹思三歲習祥陟修
大報祇率舊章莫禋先期牲玉昭庭聲文洽奏嘉薦惟
旅靈鑒孔昭惟億萬年顧右無斁太廟七祀祝文
九秋之吉三務以成展饗合宮欵詞清廟編稽祀典式
迓靈孚 昊天上帝冊文 恢恢洪覆開元闡極大儀
幹運神化難名集誠輔仁濟育萬品夙奉顧謨嗣守鴻
業虔恭承順上下夷懌物登季秋禮輯宗祀廣躬盡志

祈福黎元皇靈惟監永錫丕嘏 皇地祇冊文 至哉
坤元奠載陰極沈潛博厚廣大茂育攸助成化配天同
功肇允古初合饗備典季是紀序三務云畢講修熙事
欽薦總章哀對上祇有菲惟敬永言降格福祉昭綏
太祖皇帝冊文 淳耀維烈神武應期創歷升圖無思
不偃豐功題命燕翼流光肆及涼寡紹熙洪慶庶績胥
乂四海沕康商序肅霜饗承太寢陟配上帝祀事孔明
綏予孝孫永光天保 太宗皇帝冊文 皇運資始聖
作神繼聲化溥被書軫大同偉烈淵摹為宋宗執猷紹
昌緒祇若大猷虔鞏勤施方內妥洽季秋大饗展采合
宮對越大神並侑二后休矣惟德紛格多祐 分祭太
社太稷祝文 禮嚴宗祀國舉誕章欽惟土穀之神密

介堪與之祐載孚幽監維達至虔 后土勾龍氏祝文

邦典有彝宗禋嗣舉眷言祀族並輯時休將述熙成

式虔敷告后稷氏前詞同分祀九宮貴神祝文 祇舉明

禋式嚴嘉饗惟飛棊之列御系厚福于函生冀格監觀

用伸頌吉 明堂大禮畢奏謝諸陵表文 通修宗祀

參汶上之遺模逖相神遊望洛中之故寢顧方蒙于昭

假用遙告于熙成矧膺天地之休實本祖宗之烈茲陳

精意詠契靈心尚熙祐于邦圖庶益恢于聖緒 昭慈

聖獻皇后橫宮并永祐陵橫宮表文 祇修宗祀載陳

備物之筵肆訖鴻儀誕布配天之澤瞻仙園之所寓惟

靈觀之有孚爰舉謝成肅申潔薦 安禱安恭皇后橫

宮祝文 嗣膺駿命通廣燕謀爰倣總章以薦精饗祖

宗升脩神祇宴娛載念君臨膏資后助僊園在望式告
熙成 五嶽四海四瀆祝文 比涓路寢載歲宗祈祠
五帝后土下房允蒙孚佑懷百神及河喬嶽亦賴護持
肆遵望秩之儀用展涓成之報 南嶽東海南海南瀆
祝文 宗祈有典祇薦惟時蜀川嶽之方神協窮興之
靈頌祀儀獲考景瑞備臻載伸潔告之常益迓馨明之
裕 南鎮會稽山永濟王祝文 歲祥習吉宗饗肆儀
迺眷山名密飲靈貺既格熙成之慶爰申報謝之虔益
覲鑒觀永綏祥祉